

愚

齋

存

稟

恩齋存彙卷七十五目錄

電報五十二

寄長沙岑堯階中丞

長沙岑堯帥來電

寄鄂臬楊俊卿廉訪

武昌陳筱帥來電

寄武昌陳筱帥楊臬台

寄奉天錫清帥熊秉三京卿金仍珠觀察

錫清帥來電

寄武昌陳筱帥

又

又

濟南孫慕帥來電

寄濟南孫慕帥

武昌陳筱帥來電

寄陳筱帥

寄武昌楊護院文鼎

寄郵傳部

寄奉天錫清帥

錫清帥來電

寄武昌楊護督

又

又

武昌楊護督復瑞莘帥電

又

寄濟南孫慕帥

寄奉天錫清帥

寄外務部郵傳部農工商部

錫清帥來電

郵傳部來電

寄蘭州長少白制軍

外務部來電

農工商部來電

寄郵傳部

寄北京梁燕生京卿

蘭州諮議局來電

寄蘭州諮議局

郵傳部梁參議士詒來電

寄江督張安帥

張安帥來電

北京徐菊人中堂來電

江甯張安帥來電

寄張安帥

濟南孫慕帥來電

寄川督趙次帥

北京梁參議來電

武昌楊俊卿護院來電

寄楊俊帥

奉天錫清帥程雪帥來電

開封吳仲帥來電

愚齋存藁

卷七十五目錄

三
愚齋樓藏版

寄開封吳仲帥

張安帥來電

寄南昌馮中丞汝駉陶廉訪大均傅觀察春官

寄鄂督瑞莘帥

又

寄甘督長少帥

武昌楊俊帥來電

寄楊俊帥

南昌馮星帥來電

武昌楊俊帥來電

寄楊俊帥

蘭州長制軍來電

南昌馮星巖中丞來電

江甯樊雲門方伯來電

寄南昌馮中丞

寄奉天程雪樓中丞

南昌馮星帥來電

張安帥來電

安慶朱經帥來電

寄張安帥

寄朱經帥

寄濟南孫慕帥

孫慕韓中丞來電

張安帥來電

寄張安帥

又

寄北京汪伯唐星使

北京汪伯唐侍郎大燮來電

愚齋存彙卷第七十五

電報五十二

寄長沙岑堯階中丞

宣統元年八月十五日

林道真電袁州城紳勸捐鄉民滋事萍礦驚慌蒙尊處
飛撥一營馳赴醴陵無事鎮撫湘邊事急准調安源專
護廠礦人心因之大定又接林咸電東路袁統領帶吉
安營到城西路又有湘軍嚴備鄉民漸散似可速了等
語萍礦密邇湘垣屢次風鶴皆賴護持公義私情益深
欽感謹此銘謝

長沙岑堯帥來電

八月十九日

袁亂起於倉猝撥營鎮邊並護礦局應盡之務遠承齒及不勝感惡迭據報袁圍已解亂民散竄已飭瀏醴各營縣防堵想可不日肅清矣知念附聞

寄鄂臬楊俊卿廉訪

八月二十五日

運糧平糶實係急務芋乾已派多員分赴烟台溫州甯波等處定買惟須冬令方有此物不能救急尊處現辦津奉紅糧係何價值乞電示丙午振務公爲災黎造福無量今宜再放大手筆拯茲饑溺老天位置豈無意耶

武昌陳筱帥來電

八月二十六日

頃據馮道嘉錫盛道春頤來電六月閒襄水潰隄

災本極重七月望後水退涸復之處聞可補種雜糧甫有萌芽詎本月十五十七兩日襄水又復大至田畝悉被淹沒災民室內什物變賣俱盡房屋折毀無餘慘不忍觀各屬應振戶口多至二三百萬初擬嚴剔現非普給不可且非一振所能救活等語已飛飭分別迅速查放無論財政如何支絀總以民命爲重惟開振後有錢無糧仍屬可慮湖南川贛等省紛紛禁糧出口現雖派員赴津奉及河南蕪湖襄陽等處分購雜糧爲數恐難過多頃已電奏請旨飭下鄰省督撫一律弛禁擬請我

公分派義紳不論芋乾玉米等物代購數萬石以
 資振糶感德無既瞬屆冬令號寒等於啼饑並懇
 廣勸商富捐助棉衣預為運鄂多多益善如蘇滬
 有舊棉衣可購乞代辦款由振局籌匯丙午淮振
 尊處籌款百萬華洋義振會復購運麵粉數千萬
 包江淮饑民得免餓斃皆公所賜今鄂災奇重而
 籌辦振撫僅賴官款措拄到處羅掘俱窮危急較
 淮振尤甚弟與振局司道相對焦灼務求鼎力援
 助不勝盼禱至報効萬兩請獎實職刻又懇切電
 奏籲求 特旨照准容再奉聞

寄武昌陳筱帥楊臬台 九月二十一日

津電午帥准義振購糧出口萬石而麥道信堅電復只購千石糧少難買營電錫帥已允免稅而周道長齡電復僅購三千大石鄂員已到價看漲甚難買大約義振只能購運一萬大石爲止尊處官辦糧食請勿因做處而少買致礙民食轉滋罪戾義振棉衣俱屬舊貨尊處所製新衣宜發者舊衣發少者請酌告馮盛何世模已蒙奏准乞速行知以便收款

寄奉天錫清帥熊臬三京卿金仍珠觀察

九月二十一日

鄂災極重糧費民不能支陳筱帥派員營口購糧小雪

後卽難裝運上年江北水災弟請菊帥免稅託彭子嘉
在鐵嶺購辦高粱玉米經日東鐵路免火車價運至大
連灣海運活人無算此次擬籌款照辦現值高粱出新
聞年成豐稔乞請秉翁仍翁不動聲色妥速查明每石
若干飭價銀若干迅賜電示以便酌行禱甚盼甚

錫清帥來電

九月二十四日

奉天糧行並無存糧率以來車之多寡爲時價之
高低兩萬石爲數過鉅須陸續購存嗣後地凍道
堅來車較多或易爲力現時難遵購定價值尤難
預必此開官銀號總辦周道克昌於此事尤爲熟

悉已囑其設法採購如價值過懸隨時再電商定
專事闢善賑必力爲籌畫以副雅意金道留此無
益赴津尙有爲做處籌辦之伴應仍令二十五成
行俟振糧購足卽電請尊處派員來奉交收起運
至日車俟屆時由交涉司向日人懇商可也

寄武昌陳筱帥 九月二十四日

月前承允代鑄龍元五十萬甚感華銀多鑄一元卽洋
銀少用一元於幣制亦有益特請飭局接鑄五十萬仍
按一星期交十萬由交通按次交收現值洋價不跌望
囑局員切勿逾期蒙另加一百元前後共存萬元仍助

棉衣解鄂可否乞示

又十月十二日

榮調北洋叩賀大喜惟漢治殊失所恃萬眾饑民亦未免失望何日起節馳念尤深

又十月十四日

漢陽高公橋水塘地八月閒李郎中維格繕呈說帖請准鐵廠備價購用蒙飭局與議感荷至深頃接李電該塘兩口官錢局出賃七萬串填土將竣帥諭先儘廠購索價銀二十四萬兩分年歸繳求照填土原數電商准購等語查往年兵工廠原價祇數十串文現在填塘保

隄所費亦祇七萬串值廠推廣爐座鑿山之議因紳界中阻此塘遂爲銜接碼頭必需之堆地彼此同是爲公數倍其值不僅廠力不逮並慮駭人觀聽若照漢治萍公議以填土原價作算亦欠平允鄙意旣定分年歸繳兼爲保障隄岸擬請由廠畫價十萬串分五年每年繳價二萬串第一次交款訖此地卽歸廠用近年鋼鐵聲譽皆公提獎所致是地關係冶鍊基址務求於移節前批局定案莫名感禱至塘地除鐵廠未必有受主卽有屯戶亦仍爲轉售鐵廠之計屆時廠不出價地便攔本是兩損之道也祈併諭該局爲荷

濟南孫慕帥來電

十月十五日

公前上幣制條陳檢查不獲所飭速郵寄二部爲盼琦現擬上一疏容當呈教

寄濟南孫慕帥

十月十五日

畫一幣制奏稿卽交郵寄大疏發後早覩爲快現今財政亟宜大處落墨然行法必須有人否則仍難收效

武昌陳筱帥來電

十月十七日

接尊電飭據善後官錢兩局稟稱竊查漢陽高公橋地方濱臨襄河外面有長隄一道昔年善後局在該處置有塘池一坐面積約地四千餘方前因

外隄單薄崩潰堪虞由官錢局填土保護兼可售價彌補局虧現在商場日繁地價日昂該處本係漢陽繁盛之區以現時價值核計四千餘方可值價銀二十四萬餘兩茲盛宮保來電諄囑減讓職道等公同會議以該廠既係因公購置自應勉爲減讓擬請按照二十四萬兩作爲八折合銀十九萬二千兩仍分五年繳清第一次繳價後卽歸廠用至此地如售與他處每方必須現銀六十兩近年購地之人有成本數兩而轉售百餘兩者不知凡幾鄂省積累甚鉅非得此項地價盈餘不足以

資彌補並非有意居奇等語復加查核尙係實在情形統希尊酌或飭李郎中與兩局妥議尤爲浹治

寄陳筱帥

十月二十五日

高公橋地李電現交七萬申局仍索十萬鉅款董事會查明文襄原奏交收廠內廠外房屋地基水塘雖未闡入實爲廠外應用地基只因廠員未及理會認繳七萬申已不爲過現已布告二十八開會另交恐難如命弟與李亦難專擅承公調處心感萬分但廠累何堪鄙見或令報効紅股或將鐵捐提付官錢局均可抵用仍賴

公一言爲重振務竭棉奉糧萬石已往續運春暖北上
再圖良敘

寄武昌楊護院文鼎 十月二十六日

頃李郎中電稱蕪水縣有白石含鎂較多合我鎔鍊派
人採運平價賣買該縣徐令藉詞出示禁阻該郎中已
在尊處面呈說帖因工人船隻齊集一散再招不易等
語查銅鎔需鎂精甚多平價採運實於地方多一出產
事屬兩益該縣或有誤會應請貴部堂迅速札飭徐令
出示曉諭准由漢廠採辦禁止外人開採實爲正辦

寄郵傳部 十月二十七日

鄂災奇重前經陳筱帥奏明由做處協助辦振當卽籌墊鉅款請錫清帥代購高粱玉米一萬大石頃接電已購齊封河後秦王島局輪不能泊擬裝火車由奉天直運漢口交收鄂省曾請准振糧半價乞查自奉至漢應繳半價每噸若干以便與鄂省商定

寄奉天錫清帥

十一月十二日

振糧萬石已囑貴銀號車運秦島裝船價腳當與周道算清甚感聞尊擬借美款千萬自築洮南鐵路此實先著現欲保全東土惟有借題牽制一法但恐政府拘泥究竟洮南築至何處爲止計若干里估若干費分若干

年路利能否歸還乞電示或可密奏以助成功

錫清帥來電 十一月十五日

借款保路已有轉機續與交議可望核准路綫係由錦州至愛琿共二千餘里此事關係北京帝國日報本月初四五日論說詳透不知何人所作請閱便悉承公厘念大局莫名感佩

寄武昌楊護督 十一月十八日

接李郎中電高公橋將填好有暗移界碑侵佔之弊宜速交接以便清查請電商楊護院可否先行移交如何付價由宮保巡定等語查高公橋水塘地爲鐵廠所必

需已奉陳制軍電允歸廠收用在案今將填好擬請飭局迅速交接以便清查卽有未完之工廠可自填填地經費先由鐵廠如數咨解至應如何分年報效之處乞公垂念該廠關係自強大局商情艱窘異常與司局格外商減電示再行酌定

又十一月二十七日

萃帥示尊電地卽飭善後局妥辦俟價議定再電具紉公誼董事會公稟兵工廠價購計費五十千卽云官錢局新代墊土亦祇費七萬串充其量如數歸墊上次會議總理出示電稿已允給十萬串董等未便抗議然已

嫌數太鉅若照護院七萬串外分年再繳十萬兩董等
斷難承認等語萃帥以未到任屬弟徑與尊處商定務
求格外核減了此公案弟前年交卸京漢鐵路時曾將
漢口堡垣內美地若干移送善後局今已值銀百萬以
外請詢金道略願公義鄙人未敢求報但恐我公以爲
有施無報耳

又十一月二十九日

地事公力主減讓而來電仍索十萬兩苦心如鑑弟故
託萃帥電公先行交地昨又特提堡垣讓地未加絲毫
高公橋原交五十串加二千倍算分十年繳十萬串底

面俱足務求公推情斷定竄紉公誼

武昌楊護督復瑞莘帥電

十二月十一日

前奉鈞電盛宮保漢陽鐵廠購用高公橋湖地事
遵飭善後局磋商該廠事屬因公自應顧全大局
格外減讓現經往返電商前項湖地除由廠照數
撥還官錢局填費錢七萬串外另由廠報效銀十
萬兩以五萬籌墊本年湖北振款歸振局列收照
章給獎另交善後局五萬兩分作五年交清如此
變通辦法仍符彼帥原議十萬兩之數而於鐵廠
財力亦可稍紓盛宮保電復照辦惟所議是否妥

治應請憲台俯賜核示以憑飭局與廠妥立議約
撥款交地謹此電陳伏候訓示

又 十二月十三日

率竄電惶悚之至憲台所諭各節實非無因茲謹
計陳鈞聽本年鄂災過重辦振人員鄂省頗難其
選前經筱帥電商盛宮保力薦馮道嘉錫盛道春
頤曾辦義振結實可靠當派馮道督辦荆屬盛道
督辦鄂屬各專責成分辦工辦糧辦振爲三事並
於漢口設轉運局派巡警道馮啟鈞經理收發糧
米隨到隨運各屬隄工開辦未久現惟袁家月隄

大工已報合龍其餘尙未告竣應俟工竣驗收後復勘是否堅固足禦盛漲再定功過如草率偷減心應查參賠修斷不姑容辦糧則係另派委員分赴湖南江西安徽河南直隸奉天等省或購米或購麥或購高粱玉米麵粉共約二十餘萬石盛宮保購運者居十分之四查七月間湖南購來米三千石到漢存棧時尙好迨冬初運赴荊州曾經馮道電稱米粒粗碎卽經飭查實因堆儲棧房日久受熱裝船受潮以致內有霉變數亦無多至米粒之碎則因所購者係最次之貨質本不佳當將霉

變者剔出業經糶完民間亦均肯買尙非有心作
弊又有麵粉六千包係漢商承辦運到沔陽曾據
盛道電稱其味稍苦不肯收現已勒令商人包換
不敢通融至其餘米糧則皆一律乾潔奉直雜糧
尤佳民間爭購以之播種前閱報紙載有蕪湖委
員浮開米價一節深爲駭異卽經本司密派委員
邵守嘉年前往澈查調核商棧底簿確切根究實
無浮蝕之事細加查訪因委員曾開除司事一人
挾嫌誣毀至於米糧斤重數目收發時由轉運局
逐細過磅開單呈報互相稽查不准短少辦糧之

員與收糧之員兩不相謀各擔責任辦糧如有含糊收糧者必不放鬆此外別無所聞棉衣以盛宮保捐製爲最多省城共辦衣褲四萬餘套內有一萬套係以陸軍衣改製餘三萬套每套約合銀八九錢不等價尙核實蘆蓆購用無多省局催支過錢數百千工程所用尙未據報振務則除急振外共放秋振冬振二次照義振辦法嚴查戶口剔除冒濫每放一處隨時榜示俾眾共知不假董保之手董保既不滿意紳士亦多反對筱帥及本司任內派員四處密查有謂釐剔過嚴者有謂查放過

遲者怨謗極多載諸報紙詳加考核實以災區太
廣款項有限卽如沔陽一處被災戶口查有七十
餘萬而所放者僅二十餘萬口不得振者居十成
之六此由於普及爲難承辦者無可如何祇能擇
非振不活之人及老弱者方准放給剔除過多則
怨罵者更眾勢所必然又以挨戶清查必要延擱
時日因此又招謗議其餘各處情形大略相同卻
無尅扣侵蝕情弊荆州沙市現留養婦穉萬人日
給麵粉半斗夏口漢陽江夏三處所聚饑民近十
萬刻值大雪已按戶散放餅饅現正議設粥廠俾

免餓斃地方幸皆安謐本年災重款絀振撫苦難
遍及得人尤爲不易本司夙夜恐懼嚴切訓誡印
委不得力者立即撤換決無遷就此次辦振各員
雖不免有竭蹶迂拘遲緩之病似尙不敢恣意舞
弊本司偶有所聞無論虛實必予查究斷不敢扶
同徇隱代人受過現已將鈞電嚴飭凜遵辦理各
員悚於憲威必當仰體德意格外加慎以副軫念
至鄂省食米向恃湘蜀爲來源初本禁阻嗣經竭
力商懇始行弛禁川米稅釐照費曾經請免未蒙
允准此時但求其不禁振運則鄂省尙可無虞缺

款之意若由寶林公司包辦工程諒須訂立合同查漢
冶萍鐵廠經張文襄及郵傳部奏准凡鐵路應用鋼軌
各料應歸鐵廠自造以塞漏卮錦瑋路長款鉅用軌必
多務求台端主持列明合同以免外人攘奪至漢廠現
鍊鋼貨爲最上品各省鐵路均已購用洋工程司亦皆
贊美所有憑據卽當錄咨素仰公忠凡涉中外大計無
不力持大體用敢謹陳乞賜電復

寄外務部郵傳部農工商部

十二月十五日

錦瑋借款營路實爲保全滿洲最上策聞已核准全局
慶幸惟此路綿長需用軌料甚鉅漢冶鐵廠新大爐已

告成鍊鋼更好正慮鐵多消滯前蒙郵傳部奏明各省
造路准用自已鋼鐵以塞漏卮此次錦璋借款務求主
持列入合同以免外人爭奪中華工商大局關繫匪淺
用敢謹陳

錫清帥來電

十二月十六日

蓋籌甚佩昨訂草合同本有先儘購用中國合宜
材料一條將來如該路開工自應極力主持以免
利權外溢

郵傳部來電

十二月十八日

錦璋全路鐵軌主持用自已鋼鐵一節已電致錫

制軍程中丞查照辦理謹復

寄蘭州長少白制軍 十二月十八日

支電未奉台復今接毛藩司涇州願電稱甘振截至交卸日止尙存銀二十五萬兩之譜臘月擬購放糧種十萬有奇其餘擬建倉開井撫卹州縣等語查本年江鄂等省受災均重因聞甘災舍近及遠現接毛藩司詳電始知義振款項尙未動用向來義振款只能放振不作別用況上海解款十萬五千兩銀行錢舖墊款居多旣難請獎又未放振曠有煩言同人公議擬請鈞處迅速飭司匯還銀六萬兩以便分撥湖北江蘇災振移緩就

急俾可多救民命何日交明何號電匯乞速電復至感
至禱

外務部來電

十二月十九日

咸電當電准東省督撫電稱錦愛路草合同本有
先儘購用中國合式材料一條將來該路開辦自
應極力維持以免利權外溢等語希查照

農工商部來電

十二月十九日

咸電所囑現准外務部片稱已電達東督奉撫核
辦矣特復

寄郵傳部

十二月二十七日

奉巧電錦璋路軌主持用自已鋼鐵已蒙電致錫制軍
程中丞查照莫名感佩頃據李維格電稱吉長鐵路需
軌已開價寄京此係自辦鐵路雖數目無多務乞大部
主持候示卽當飭廠如期趕辦以副鈞誼

寄北京梁燕生京卿

十二月二十七日

頃據漢廠李一琴電稱吉長鐵路需軌已開價寄京務
乞閣下主持早日定議見復至紉公誼

蘭州諮議局來電

十二月三十日

敝省災情重大蒙諸善士竭力協振紳民同深銜
感六月後雨澤霽足秋禾雖暢茂收成之地不過

十分之二目前暫行停振現一冬無雨旱象又成
明歲情形實爲可慮此振務所以萬難中止也敢
爲災民請命留餘款以資拯救則數百萬生靈終
始受惠矣

寄蘭州諮議局

宣統二年正月初七日

前聞貴省旱災大聲疾呼墊捐電匯惟恐或後督藩來
電均允照章請獎乃臘間接毛藩司電尙存振銀二十
五萬墊款動用無多亦未奏明照各省請獎使此間歸
墊無著聞者莫不寒心又因江浙皖鄂皆各有災僉請
撥還數萬移緩就急尙未奉制軍電復承示擬留餘款

以辦本年振務諸公在甘言甘做處顧名思義原可曲從惟義振救命不救貧務求稟明制軍萬不可撥作別用致礙以後勸振並請咨明度支部收到做處墊解協振實銀十一萬一千餘兩應准統按新章候做處咨請核獎以期一律爲禱

郵傳部梁參議士詒來電

正月初十日

吉長購軌按例本應投標前屬路局先函詢漢廠並電詢能否減讓在案近接復電價仍稍昂聞張綬臘底投標最賤者鋼軌銀四十九兩螺釘八十餘兩魚尾鈎釘均比漢廠略賤此皆就八十磅軌

議價現查路款不敷改用六十磅恐時促各廠趕辦不及特先與京奉借用軌二千餘噸餘已飭路局擬定投標章程格式在津投標一經擬定當卽函知漢廠倘漢廠價與他廠相等或稍有參差將來仍擇用漢廠之標以保商利而副尊意請轉知漢廠

寄江督張安帥 正月十五日

頃接揚州紳董李培楨蕭之華電稱去歲底接奉電咨藩憲轉札准運司就近撥鹽商捐款二萬串開辦平糶現在洲民待哺嗷嗷運款未發乞速電催刻下米價騰

貴請電咨督憲札飭各關卡凡平糶之米經過一概免
稅驗照放行購米之區如蕪湖及揚屬裏下河等處擇
廉而辦約五萬石徒江兩邑共設平糶九局合併聲明
客冬洲振查畢共放四萬五千串尙有江邑十數洲未
放因款絀中止仍懇格外垂憐籌撥萬串補放爲感華
刻往海州查振惟留養急振款尙不足懇恩籌助等語
乞卓裁示復

張安帥來電

正月十六日

揚屬沙洲振款前擬由鹽商捐款撥錢二萬串現
尙未撥解交已飭淮運司轉催俟解到卽飭局撥

發至上年江北水災由官借款購米平糶奏准免
納稅釐若紳民自辦糶米尙無准予概免釐稅且
該紳李培楨等請由何處給照亦未聲明所擬購
五萬石能否免納容飭各關道釐局議復再行酌
奪知照又揚屬沙洲旣撥平糶錢二萬串鎮屬沙
洲亦撥振銀一千二百兩似足以示體恤現在海
屬春振孔亟需款浩繁實無餘款可以撥濟洲民
查王道慶甲徐大使家樹捐款係專振揚鎮沙洲
貧民之用敝處已爲之奏獎應請尊處將前項捐
款酌撥濟助爲禱

北京徐菊人中堂來電

正月二十四日

忝逢^逢~~逢~~^逢席彌愧疏庸時局艱難無報稱叨承藻飾感悚良殷覆此鳴謝

江甯張安帥來電

正月二十四日

據海州官紳電稟稱海屬春振將查畢糶糧亦發售饑民可免餓殍最苦者下等農戶振糶所不及人無食糧牛無食草賣田無受主賣牛無可耕困厄情形等於災黎查丙午盛宮保創辦當地法保全甚眾由下農戶邀鄉董擔保以田房契存局抵押息借錢若干期至麥熟稻熟後本息歸還桃源

等縣辦有成效還本息時分文不欠擬請電咨盛
宮保官義合振籌銀二十萬兩義紳任放借款印
官任收還款仿淮北當舖利二分半起息如得息
輕中戶爭借俟還款時能依限歸償再讓利一分
半以實收一分作局用開支此舉於公款毫無所
損於下農受惠無窮等情查所陳下農貧苦情形
深堪矜憫當押地契貸給資本洵屬濟貧善策惟
江南財政支絀此次辦理振糶已形竭蹶恐一時
難籌鉅款擬請尊處會商義紳如能籌足二十萬
兩最善否則約可籌集若干再湊官款若干尙乞

賜示以便商同司局酌辦飭遵爲禱

寄張安帥

正月二十六日

海州請辦當地局實係救貧良策前年桃源試辦居然全數歸還此皆典史黃國梓之功現已保升知縣尊意擬籌款二十萬如果得人不致虧短最好移辦工之款先行借貸於公無損於民有益如欲上海墊款請電飭滬道商會會同籌辦因此次未經勸辦義振弟一人殊難提倡

濟南孫慕帥來電

二月初一日

幣制疏昨始繕遞另致書澤公以海內通達財政

幣制者惟公首屈一指亟應延攬輔助以冀實行
又施愚堪備顧問鄙見實爲大局非阿所好也

寄川督趙次帥

二月初六日

藏務必宜始終辦到底放手卽逝不可不慎惟造路通
商需款浩繁向聞藏中滿地沙金未知確否如確後可
取償公宜密電季帥派妥人細查

北京梁參議來電

二月初七日

士詒初二自漢回京始知吉長總辦初一已在津
開標尙未接漢廠來標遵卽切飭該總辦概作罷
論論卽將標價電商漢廠旋准復稱照辦已飭知

吉長總辦與漢廠訂定合同矣請紓蠶注

武昌楊俊卿護院來電 二月二十日

鄂境缺糧米價日漲川湘又議禁運不獨災區大
受影響卽武漢亦復恐慌幸憲台運來高粱萬石
賴以分運濟急現仍派員赴贛皖陸續購運並擬
採辦西貢米來鄂多方補助不遺餘力惟春荒可
慮來日方長款絀運艱焦憂萬狀察看情形災區
糶局斷不能定米價過昂無力應付惟有仍求宮
保續辦雜糧如高粱山芋乾之類於災民相宜各
處購糧以宮保所辦爲最多最速用敢瀆懇拯此

危局禱切盼切需款若干當由鄂籌匯不誤

寄楊俊帥 二月二十一日

十八詳函想可入覽春荒糧食必須多備溫台已禁芋
乾出口高粱姑電詢奉直如能續購再請匯款西貢辦
米萬不可緩來日方長湘中且如此恐內地更不能多
辦

奉天錫清帥程雪帥來電 二月二十二日

承示甚感現寶林公司在津正與鄭磋商俟詳細
合同議定再請部示辦理尊處或派李郎中前往
或函告售軌辦法均可以便鄭與該公司議商

開封吳仲帥來電

二月二十五日

福公司在修武縣焦作地方開礦前已畫定黃紅
綾礦界經該公司洋人利德遵允交有條款在案
乃該公司近日忽於界外挖取鐵砂意欲開採鐵
礦並在廠內製鐵當經駐礦提調何守雲蔚援據
約章礦界切實磋商該公司白董詞理稍屈有此
事重大應請英使與外部定奪之語卽經做處電
告外部相機駁阻嗣准部電英使果爲該公司要
求開採鐵礦屬卽派員赴部商辦做處業經派員
赴京查福公司原訂合同雖標目上有製鐵二字

而條款內並無涉及製鐵之語查約章洋商不得內地設廠製造且礦界既定亦不得越界探採自應嚴切拒駁以保利權查光緒二十九年公與福公司因議修枝路曾議改動礦章將合同上製鐵字樣銷去又公與山西福公司訂立鎔化廠合同係福公司挖出鐵砂交由中國鎔化以保內地製造之權利具仰盡籌周密洞燭機先無任欽佩豫省謀之不早致有此次交涉若再准其另開鐵礦則黃紅綫界不能保守河北礦產豐富不止煤鐵兩種恐踵接要求地利必致盡失且福公司要求

內地賣煤甫經允可而大河南北長江一帶已有不可遏抑之勢若一允其製鐵則內地製造之利權不保而漢陽鐵廠賴公鼎力經營爲亞東鉅偉之事業外人側目已久必藉此爲妨礙漢廠之計實於大局有礙現雖派員赴部陳商駁拒然結果未知何若豫省紳商力亦未逮倘得吾公大力主持乘此時機將該處探鐵製鐵事宜速籌自辦或卽歸漢廠經理以保大利而杜狡謀想公必以爲然望速派委員來汴密商以成此舉大局攸賴素仰我公規模遠摩畫周詳用敢密陳乞電復爲

荷

寄開封吳帥 二月二十八日

有電感悉合同不應執單簡之標目棄詳細之條款此
爲世界公理況在紅黃綫礦界之外我更有詞請切電
外部始終駁拒周玉翁任江督時曾言利國驛鐵礦若
非漢廠包舉必爲禍種近孫慕翁密函亦以德人在濰
採鐵囑漢併辦其維護鐵政關念大局之心與公不謀
而合感佩奚如漢廠得有今日宣實心力並瘁兼營并
包其何能逮籌之再四可否由公激勸豫省紳富援澤
潞取消福公司採礦案結團集款收回自辦但求收回

至速辦緩辦權自我操值茲民氣伸張或可爲長官後
盾一得之愚是否可採祈斟酌示近情

張安帥來電

三月初五日

海州當地事承公與蔡道籌墊約有八萬五千金
良深感荷請飭解司財政局轉解海州開辦滙道
既係挪借庫款容飭財政局移復聲明將來事竣
照本歸還並飭派黃令國梓前往會同州紳黃道
傳等妥爲辦理實短一萬五千兩仍請催令商會
趕緊勸集續解許紳本請再借公款十萬惟庫帑
奇絀迭辦振耀已形竭歷此時實無餘款可撥祇

可先儘已集之款舉辦隨時酌度再議並聞

寄南昌馮中丞汝駢陶廉訪大均傅觀察春官

八月初

湘省民亂教堂學堂均毀恐有匪黨藉口排外萍礦咫尺洋匠甚多機爐林立務望電飭袁州防軍迅速馳往保護弟已一面飛電礦員認真稽查以免宵小混跡

寄鄂督瑞莘帥

三月初八日

昨已電飭李郎中等預備輪駁聽候調用湘亂如全係饑民似宜兼撫如有匪黨借端作亂宜防下游饑民煽動漢陽兵工廠應請派隊密護鋼鐵廠亦已飭令認真稽查矣

又 三月初八日

湘亂教堂學堂均毀恐有匪黨藉口排外萍礦咫尺洋
匠甚多機爐林立醴陵並有鐵路向來全賴鄂軍保護
湘已自顧不暇此次派隊赴湘應請飭知統將多派偵
探湘潭醴陵恐有竄匪務請一律防範萍礦距醴陵只
數十里謹以奉懇

寄甘督長少帥 三月初八日

東電仍未奉復甚盼頃接毛實翁函前奏籌振辦捐一
摺因罷職未蒙批發向來前任因有事故奏未奉批之
件後任例應查案復奏籌振辦捐爲民命起見且曾奉

我公來電允爲奏獎經弟宣示捐墊在先應請迅速電
奏聲明前摺請旨上海墊款如不核獎亦不歸還必
干清議辦振同人力難賠此巨款請速核電復

武昌楊俊帥來電

三月初八日

頃奉電旨署湘撫擬稍料理卽督兵馳往湘中
亂稍平堯帥確無恙特聞

寄楊俊帥

三月初九日

恭賀大喜湘中有事公到自能措置裕如鄂省振務未
了甚多司道何人可託

南昌馮星帥來電

三月初十日

俊翁撫湘鄰疆蒙福已電道賀並商協防萍令電稟轄境安靜上月立將首匪就誅得爭先著萍曠大利兼有洋員無不力護希飭林道與營縣接洽可保無虞尊處要聞隨時電告尤盼

武昌楊俊帥來電

三月十一日

佳電感悉湘事棘手頗難籌辦焦慮之至虞電麵粉已蒙照辦昨由合盛元電匯二萬兩務祈續購到漢卽轉運災區無虞變壞鄂災重廣武漢斗米千錢現雖訂購洋米市面仍復恐慌千萬終始維持一切事宜隨時與高署藩司金鹽道電商重大

事宜直達華帥必能接洽文鼎身雖赴湘心不忘鄂也

寄楊俊帥 三月十一日

鄂振當與藩鹽通信合盛元二萬已到湘省暴動大半
饑民鄙見應先散脅從迅籌振撫一面訪拏爲首斷不
可藉口亂黨肆行殺戮宜刊刷大告示發交藩司先行
徧貼以示恩威並濟之意李文忠庚子未到任先馳諭
各屬以收人心似能收效公宜仿行

蘭州長制軍來電 三月十一日

去歲諫鹽及本年東齊各電均悉滬上振款經前

毛護督奏陳原擬俟奉 硃批卽行布聞嗣承准
廷寄原摺發還遂致難以報命並非漠然置之
也現在清理發還摺件擬將各處振款仍行奏請
飭部按照振捐章程給獎不日出奏奉 旨允准
卽行電達便由尊處造冊咨部核辦決不使前款
無著致令爲難答復稽遲尙希原諒

南昌馮星巖中丞來電

三月十五日

昨駐漢德領電請保護礦師已告以預先防範情
形並電林道轉告礦師以安其心現在袁統領已
到喻庶翁在城暫留楊令襄助林道可與接洽如

領事來詢萍事請告以屬境安靜爲感

江甯樊雲門方伯來電

三月十七日

海州當田局已保黃令國梓前往會同該州官紳
妥爲辦理請將認定八萬五千兩卽交裕甯滙局
列收財政局帳冊以便劃匯應用仍乞電復

寄南昌馮中丞

三月十七日

萍礦劉令康遐諫電湘省外縣雖有饑民滋鬧已解散
礦冶現極平靜仍當隨時嚴密防範僻道鴻年諫電長
沙初六後安靜如常惟甯鄉毀一教堂益陽搶一釐局
此外並無擾動林道霽電亦稱萍鄉信電均通地方安

名十五
三
詔

寄奉天程雪樓中丞

三月十八日

榮調來蘇部民欣盼蘇省歲歉米貴正籌平糶奉省紅糧價能較去冬便宜否乞探示

南昌馮星帥來電

三月二十一日並致張安帥

籌辦防務情形已具電奏文如下江省萍鄉地方毘連湘境路礦所在輪軌交通湘東上粟市等處尤爲五方雜處二月閒頗有謠言幸先發覺將匪首拏獲立誅人心大定前經電奏在案祇因上年湘境偏災米糧外運以致價日騰貴乏食堪虞迭

飭勸諭鄰近屯戶不得居奇嚴禁阻糶攔搶並飭
該縣會紳籌錢一萬串辦米平糶接濟窮民地方
尙稱安靖三月初五夜接長沙電局報告旋接江
鄂督湘撫等電告長沙饑民滋事情形汝駭當卽
電飭巡防左路統領袁坦由吉安帶隊赴萍一面
電調前派駐贛前路巡防第三營填紮吉安早經
先後到防復以萬載一帶近接瀏陽現值茶市匪
徒易於溷入電調前駐南安之前路巡防第四營
續赴萍鄉兼防萬載又義甯州界連湘鄂茶市尤
旺已派前路巡防統領莊守忠酌帶弁兵馳往巡

緝查萍境機礦林立德國洋匠甚多加以萍醴鐵路華工繁而且雜境內兼有英法教堂迭接該處電稟人心安定市易如常德國礦師已請礦局道員林志熙電謝保護惟據探報長沙事定外屬不無滋擾此股匪徒既多旁竄袁吉防務最爲喫緊仍嚴飭該文武等認真籌備勿稍疏虞其長沙株洲醴陵等處密派偵探爲出境之防範前准鄂督瑞澂侍郎盛宣懷電稱各國領事請飭保護洋匠教士並駐漢德領事來電詢問均以布置辦法及地方平安答復此時江省轄境均尙安謐兩陽應

時麥收可望堪慰 聖屢等因謹聞

張安帥來電

四月十六日

皖北上年水災今春各屬復苦雨災情奇重弱餓
殍強劫掠岌岌可慮雖經皖撫籌振及皖紳趕籌
義振猝難立集鉅款滬上歷年義振皆公主持全
濟無算擬請酌撥數萬以救皖省燃眉之急皖紳
已懇楊杏翁面懇特再奉懇無任感盼

安慶朱經帥來電

四月十七日

頃據皖紳張燧樓觀察諸君銑電稱楊侍郎赴滬
職道等公懇侍郎轉懇台端撥借振餘數萬金濟

皖振耀等語我公博施爲懷夙深景佩如蒙撥款
濟皖感惠奚如承借若干一俟勸捐成數卽行歸

還至深禱懇

寄張安帥

四月十八日

皖災轉重昨杏城侍郎已來談及朱經帥今日電商撥
借振餘數萬不知歷年勸辦義振皆屬有欠無存弟經
手尙借欠大清銀行二十萬捐獎改章尙不知如何歸
補不得已奏明此後義振恐無可勸辦必須預籌官振
等語乞公速電經帥援照江鄂趕辦官振以免兩誤

寄朱經帥

四月十八日

丙午徐淮海大災曾借部款十萬奏准七項捐歸補去
年又爲鄂省借去咨明由鄂徑還此外歷次義振皆屬
有欠無存現欠大清銀行之款皆須重利新章尤重抵
押滬市極壞本省勸振應者寥寥弟素樂此然亦竟窮
於術皖災旣重似宜據實電奏援照江鄂趕辦官振以
免兩誤

寄濟南孫慕帥 四月二十六日

中國舊書愈久愈佚上海爲萬國通商巨埠可保久安
宜懷擬在滬建立圖書館廣爲收羅以存國粹據羅矩
臣云山東東昌府聊城楊氏爲有名藏書家楊至堂河

帥之孫鳳阿舍人名紹和所著書目名曰楹書隅錄其收藏宋元板精鈔本富於丁松生陸存齋今其子孫大半不能自存恐京中書肆捷足先得務求台端迅卽遴派妥實員幕速赴東昌查詢楊氏藏書如尙未散請卽電示擬派羅君攜帶書目款項赴濟請示尊處亦派人協同赴聊設法全數購買以成大觀將來富擁百城必爲上海藏書之冠公他日遂初歸來可同飽眼福矣東昌聊城守令及紳士中有人可託否乞籌示

孫慕韓中丞來電

四月二十八日

海源閣藏書去冬楊鳳阿內翰未故以前呈請歸